

AnânuKatiget Tumingit Kanitagejuni Inuit Annait katutjiKatigenninga (AT)



Ilusigijangatut: Kanuilingattitaugutingit Pilukâgutet amma NukKatitaugutitsanginnut Pigasuagutet Nunatsiavummi

**Pilukâgutet NukKatitaugutitsanginnut Pigasuagutigijaujunut 2015-nami
Suliangujumut Kaujitsiutik**

Pitagijangit

Pitagijangit	2
Ilitagijaugutik.....	3
Suliangujop AtuliaKittitaugutitsanganut Piusigijaujuk	4
katimanniusimajut Nunaliujuni	4
Ottotigijaugutik Mânnaujumut Kaujitsiutik.....	5
UKâlautigijausimajut Pidjutigijaugutet	6
Kanitagejuni SuliaKaKatigettet	6
Takunnausigijaujuk Pigasuagutigijaujumut	6
Mânnaujumi Kanuilingannigijaujut.....	7
Pilukâpviusimajut	7
SakKititsiKattatut Pilukâgutinnik	10
Kaujisattausimajunut Pigiasiutitsait Naillititausimajut	10
Kaujisattaugutingit PilukâgusigijauKattatut NukKatitsigasuagutet ammalu NukKaujigiamut Ikajuttaugutitsasiutitsigiamut Pigasuagutet	17
ÂkKisuttausimausingit Pigasuagutigijaujut.....	18
UlugianattuKatillugu ulapitsataugutik	18
ÂkKisattaupvik/ilinniatitaupvik illuk	18
Inulimât amma nunatsuagijaujumi ubvalu prâvinsimi Pigasuagutigijaujut ilingaluattut PilukâgusigijauKattatunut.....	18
Inulimât Ilinniatitaugutingit ilingajut: Inositsiagittogutinnik Atudluni Inoguset amma inositsiagitonik.....	18
Inulimânîk Kaujimattitaugutet amma Ilinniatitaugutet ilingajunut KanuilingannigiKattatanginnut pilukâgusigijauKattatut	18
ÂkKisuttausimausingit pigasuagutigijauKattatut kamagijaunippauKattatut pivitsagijaujuni amma ikajuttaugutigijausoni	19
PilukâgusigijauKattatut Kaujimajaugutingit.....	19
Nigiunattut kingullimi Pivalliagutigijaugiamut.....	21
Ilagiattaugutik: Kaujisapviugutinnut Pigiasiutik	23

Ilitagijaugutik

AnânauKatiget Tumingit (AT) pitâttitausimujut suliangujumut kenaujatsanginnik taijaujunit PilukâgusigijauKattatunik NukKatitsigiamut Pigasuattet. Tâna akuniungitumi suliaigijaugutik kamaluagiaKajuk pingasolingajunik kamagijaugialinnik.

1. Nalunaittitausigiamut taikkuninga pilukâgusinnut ilingatillugit pigiasiutigijausimajunut atuliaKittitausimalittunik kamagijaugutitsanginnut pilukâgusigijauKattatut.
2. kamagiamut KanuttoniKajuKammangât tigumiaKataugajattunik ammalu nunaliujunik suliaKaKatigellutik ikajuttigesongugiamut tamatsumunga; ammalu tamannaugajappat,
3. Pigutitsigiamut katsungainniKattitaugutitsanik pannaigutimmut piniannigijaugialinnut kamagijaugutitsanginnut pilukâgusigijauKattatut Nunatsiavummi.

Tâna mânnaujumi Kaujitsiutik pitaKajuk sivungani piusigijauKattasimajunut Kaujimattitaugutimmik 2015-nami Pilukâgutet NukKatitaugutitsanginnut Pigasuagutimmut suliangujumut. Tâna ilautitsijuk naillititausimajunik pidjutigijaujunit sakKititausimajunik uKâlautigijausimajunit pigiannimi katimanniuKattasimajuni atunit Nunatsiavut nunalituKanginni, ammalu fonnikut katimanniusimajumit pimmagittojunit ikajuttigetigijaujunit March 24, 2015-nami. Tamaita Kanitagejuni kavamagijaujuk amma nunalinni katutjiKatigenniujut tatattuisimalauttut Kaujisattausimajunut pigiasiutitsanik nalunaittaugutittaKajunik adjigengitunut pilukâgusigijauKattatunut Kaujimattitaugutinnut amma nukKatitsigiamut pigasuagutigijaujunit ammalu piniannigijausimajunut atuliaKittitausimalittunut. (Takujaugunnatut Ilagiattaugutimmi). Kaujisattausimajunut pigiasiutitsait pitaKajut takutsautitsijunik ikajuttaugutigijausonik, pigasuagutigijaujumik ammalu ulinnaititausimajut ikajuttaugiamut ununnigijaujunit. Naillititausimatillugit âkKisuttausimajut Kaujisattausimajunut pigiasiutitsait tapvungattauKatausimajut.

Tâna Kaujitsiutik ilautitsingituk kititsijinut Kaujisattausimajunik adjigengitunut pilukâgusigijausimajunut ubvalu piusigijauKattasimajunut Nunatsiavut nunalituKagijanginni. Pilukâpviusimajut upattausimangitut Kaujisapviugiamut tapvani piusigijausimajumi tâtsuma suliaigijaujop pijagettauvitsanga pivitsaKattisilaungimat atusongugiamut piusigijaugialimmik Kaujitaugutinnik tigulasongugiamut ammalu angittaugutittâtausongugiannut pisimajunik Nunatsiavut kavamangata Kaujisannimut PitsatuniKattijanginnut ubvalu Newfoundland, Labradorimilu Inositsiagittotitsigiamut Pitsiaviugutinnut katimattiujunut.

Suliangujop AtuliaKittitaugutitsanganut Piusigijaujuk

Charlotte Wolfrey, AngajukKaunet Aulatsijinga AnânauKatiget Tumingita, akKusâkatasimalauttuk atunit nunaliKutigijanginnut Nunatsiavut amma katiKatiKaKattadluni pimmagittojunik KanuttoniKajunik kamaKataugiamut atuinnauKattasimajunik katimattuKatillugu.

katimanniusimajut Nunaliujuni

Ilaukataujut tulligettitausimajut atâni.

Nunagijaujuk	Ilaukataujut	Ullungani
Hopedale	Greg Flowers, kiggatuttituinnaujuk Hopedalimi amma Ministagijaudluni SuliaKapvingani Inositsiagittotitsigasugutet amma InoKatigeguset Pivalliatitaugutinginni Marjorie Flowers, SuliaKaKatigettet Sivukkatattinga SuliaKapvingani Inositsiagittotitsigasugutet amma InoKatigeguset Pivalliatitaugutinginni Ken Coakley, RCMP Atinga, UKaudjigiaji Labrador Grenfell Ânniasiupvingani Sophie Pamak, AnânauKatiget Tumingita AngajukKauKatigetigeKutinga	Februar 18, 2015
Nain	Nicole Dicker, AngajukKaunet Aulatsijinga, Nainiup Kimâpvingani Edna Winters, SuliaKaKatigettet Sivukkatattinga, Inositsiagittotitsigasugutet amma InoKatigeguset Pivalliatitaugutinginni Jonathan Kenny, RCMP	Februar 19, 2015
Makkovik	Linda Pottle, SuliaKaKatigettet Sivukkatattinga, Inositsiagittotitsigasugutet amma InoKatigeguset Pivalliatitaugutinginni Boyce Nobel, RCMP Carol Gear, AnânauKatiget Tumingita AngajukKânga Kaujitsiutik: Murray Walters, UKaudjigiaji Labrador Grenfell Ânniasiupvingani	Februar 23, 2015
KipukKak	Barbara Edmonds, SuliaKaKatigettet Sivukkatattinga, Inositsiagittotitsigasugutet amma InoKatigeguset Pivalliatitaugutinginni Grant Gear, Nunagijaujumi Inositsiagittotitsigiamut SuliaKatti, SuliaKaKatigettet Sivukkatattinga, Inositsiagittotitsigasugutet amma	Februar 24, 2015

	InoKatigeguset Pivalliatitaugutinginni Candy Jacque, Nunagijaujumi Inositsiagittotitsigiamut SuliaKatti, Inositsiagittotitsigasuagutet amma InoKatigeguset Pivalliatitaugutinginni Diane Gear, AngajukKâk, KipukKami Inuit Nunalet kavamangani Brenda Colbourne, AnânauKatiget Tumingita AngajukKautigeKutinga	
Rigolet	Lorraine Allen, SuliaKaKatigettet Sivukkatattinga, Inositsiagittotitsigasuagutet amma InoKatigeguset Pivalliatitaugutinginni Desiree Wolfrey, AngajukKaunet Aulatsijinga, Kimâpvimi taijami Kirkina House Don Riley, RCMP	March 4, 2015

Ottotigijaugutik Mânnaujumut Kaujitsiutik

Mânnaujumi Kaujitsiutik ottotigijautillugu âkKisuttausimalauttuk isumagijaujunik Kaujitaugutitsagijautillugu amma ullu nâdlugu aulatsijiKatillugu katimaKatiKalaugivugut KanuttogutiKajunik ikajuKatigeKataugiamut ilonnâni Nunatsiavummi pannaigutiliudluta ilingajumik March 24, 2015-namut. Taikkua suliajijaugialet unuttumagiulaummata Kanittumagiulittilugu nâjipvinga kenaujattâviup jâringa ajunnatolauttuk ilanginnut ilauKataugiamut katimanniujujumi. Ajunnamat silalukak amma ingiggaviugialet nukKangattitauKattatillugit kajusititsigunnalaungilagut pannaigutigisimajattinik. Taikkua atuinnaulauttut Happy Valley-Goose Bay-mi katimalauttut maggoni sitonteni fonnikut katimaKatiKadlutik asiminik Nainimejunik, Makkovimmi amma Rigolettimi. Taikkua Kaujigatsaliumajangit amma takunnausigijausimajut katitsutausimalauttut taitsumani fonnikut katimanniusimajumi ilijauKatausimajut tapvunga Kaujitsiutimmut.

Taikkua ilauKatausimalauttut fonnikut katimanniusimajumut ukua:

katingaKatigedlutik Happy Valley-Goose Bay-mi	Fonnikut katimanniusimajumi
Charlotte Wolfrey, AngajukKaunet Aulatsijinga AnânauKatiget Tumingita Mary Sheppard, Isumatsiagittotitsigasuanimut amma Uigilukasimanimmu Sâlaumajunik kamaji, Labrador Grenfell Ânniasiuupvingani, Myrtle Banfield, AnânauKatiget Tumingita AngajukKautigeKutinga Bobbie Boland, AnânauKatiget Tumingita UKaudjigijajinga	Desiree Wolfrey, AngajukKaunet Aulatsijinga, Kimâpvimi taijami Kirkina House Rigolettimi Nicole Dicker, AngajukKaunet Aulatsijinga, Nainiup Kimâpvingani Lorraine Allen, SuliaKaKatigettet Sivukkatattinga, Inositsiagittotitsigasuagutet amma InoKatigeguset Pivalliatitaugutinginni, Rigolettimi Linda Pottle, SuliaKaKatigettet Sivukkatattinga, Inositsiagittotitsigasuagutet amma InoKatigeguset Pivalliatitaugutinginni, Makkovimi Johanna Tuglavina, AnânauKatiget Tumingita Sulianganik Aulatsijik

Michelle Kinney, SuliaKapvingani Inositsiagittotitsigasugutet amma InoKatigeguset Pivalliatitaugutinginni Nunatsiavut kavamangani tusattisimalauttuk ikajutsigumadluni ammalu Kaujitsidluni suliaKapvinga KanuttogutiKanninga ammalu ikajutsigumanninga nallituinnanginnik ingiggatitsijunik pigasuagutigijaujuni suliaKaKatigettiujunik. Rick Mills, RCMP, aKagusimalauttuk ilaugiamut ammalu kiggatugiamut RCMP-nik tâvatuak ilaugunnangisimalauttuk suliatSaKaluaadlaunniminut. Taikkua RCMP-et KanuttoniKajut ammalu ilauKatausongulâttut pigasuagutigijajunut suliaKaKatigettiujunut sakKititaujuKagajappat.

UKâlautigijausimajut Pidjutigijaugutet

Ukua malittigejut naillititausimatillugit âkKisuttausimajut pidjutigijaugutet sakKititausimajut pigiannimi katimanniuKattasimajuni nunaliujuni amma March 24^{rami} katimanniusimajumi. Tamakkua isumagijaugiaKangitut pijagegutigijausimanningit tulligetitaugutigisimajanginni pidjutigijauKattasimajut ammalu piniannigijausimajut.

Kanitagejuni SuliaKaKatigettet Ilonnâgut ippigiutigijajujuk pitaKanninganik piujunik pidjutigijajunik ikajuttigeKatigennikut suliaKatingianginnut kamagijaugutigigialingit pidjutigijaugutigijajujut pilukâgusinnut. Ilonnatik inuit uppiniKajut suliaKaKatigennik ikajuttigennikut sakKititsigajanninganik songunitsaujunik ammalu atuvalliniKanitsaujunik pigasuagutitsanik, atuKatigennikut ikajuttaugutigijajusonik ammalu taimâtsainalinganginitsautillugit. Nigiugutigijajujuk ikajuKatigettet SuliaKaKatigettiujuni, sakKititaujuKagajappat, taikkuangugajanningit AnânauKatiget Tumingit, SuliaKapvik Inositsiagittotitsigasugutet amma InoKatigeguset Pivalliatitaugutinginnut, RCMP-et, Kimâpvet/Annait katimattangit, PilukâttavuiKattatunut Ikajuttauvingit, Labrador Grenfell Ânniasiapvinga isumagijauKatautillugit kiggatuttiKajutsauningit atunit nunaliujunit. PitaKagivuk amma ikajutsitaugutimmik ilauKataujuKagiaKanninganut inosuttunik amma inutuKajunik kiggatujutsamik.

Takunnausigijajujuk Pigasuagutigijajumut

kamagijauluagialet: Ippigiutigijajujuk taikkua pigasuagutigijajujut kamagijauluagiaKanningit ammalu âkKisuisimallutik nalunaittitausimajunik tugâgutigijaugialinnik, sakKititaugumajunik ammalu piniannigijaugialinnik. Annigusunnikut atautsimik kamagijauluagiaKajumik ikajuttigennikut suliaKaKatigegiamut uKinnisautitsigajattuk kajutsitsianiKagiamut ammalu napvâgiamut kenaujatsanik ilingajunik suliangujumut. Ottotigijautillugu, Michelle Kinney, SuliaKajuk Inositsiagittotitsigasugutet amma InoKatigeguset Pivalliatitaugutinginnut,

ikajutsiniKajuk pitsianikkut avatiliuttausimajumik, unuttuit tungavigijautillugit pigasuagutigijaujumul kamagijauluatillugit pitsiaKatigegutitsanginnik ilageKatigejut ammalu sulijutsaKatigennikut KaujimaKatigegusitsanik. Annigijausimajuk kamagiluagialimmut isumatsasiugutigijaujutsaujuk ilingajutigut mânnaujumi sulijagijauKattatunut amma ikajuttaugutigijausonut amma nalunaittausimajunut kamagijauKataugiaKadlutik KimattauKattasimajunut. Nalunangilak adjigengituk ikajuttigeKattapata sakKititsisonguKattagajanningit pigatsagijaujunik SuliaKaKatigettinut.

kiggatunnimigut takunnausigijanginnik AngajukKauKatigengita AnânauKatiget Tumingita, Myrtle Banfield isumatsasegutiKajuk ikKanattulagiulânninganik AnânauKatiget Tumingit isumatsasiugutiKaKattagiaKalânningit pidjutigijaujunut sakKititausimajunik akKutigijautillugu tâna Pilukâgutet NukKatitaugutitsanginnut Pigiasitigijaudluni suliangujumi piusigijaujumul ammalu annigusugiaKallutik akKutitsamik sivumuagiamut. Tainna niguitsiaKagutiKajuk AngajukKaunet Aulatsijinga Kaujitsigianganut AngajukKauKatigennik pidjutigillugu suliangujuk ammalu kingulliani nigiuattojuni pivalliagutigijaugiamut.

Inigijaujut: Apigiutigijaulaummiujuk nani iniKajut kamagijauKataujutsaumangâta. Ullumimunut taikkua pigasuagutigijaujut kamagijauluaKattasimajut Nunatsiavut nunaliKutinginni. Myrtle Banfield, AnânauKatiget Tumingita kiggatuttinga Happy Valley-Goose Bay-mi uppiniKajuk pigasuagutigijaujut ilautitsijutsauningit Upper Lake Melvilliup Kanitanganejunik ammalu isumatsasegutiKajuk tamatsumunga pidjutigijaujut uKâlautigijaujutsauningit angijummagiujut pigasuagutigijaujut sivumuattitaukKâtinnagit.

Mânnaujumi Kanuilingannigijaujut SujuKalikKa nunalinni pillugit pilukâgutet nukKatitaugasuagutinginni, ikajutsitaugutinni amma ikajuttaugutinni ammalu Kanuk attuiniKasimalitton?

Pilukâpviusimajut

Ununnisait pilukânniusimajut sakKititauKattalittut: IppigittuKalikKuk ununnisait pilukâpviusimaKattatut KaujijautitsiKattalinningit, taikkunungauluak annanut ottugasuajunut Kimaigiamut pilukânniuKattatunik.

Sivullipâmik KaujijautitsijuKammat taikkua Kaujititausimajut piusigiKattatangit piusitigiattaajutsaujut. PijuKaKattasimavuk KaujijautitsijuKammat RCMP-nut (fonnikut ammalu upasimadlugit) piusigijausimalauttut piujosimalaungituk annanut. Ottotigijautillugu inosuttuk annak Nainimi pidjutigijamminik

Kaujijautitsisimanigilauttanga maggoni jârenni Kângisimalittoni. Piujongitumik pipviusimalaummijuk taitsumuni. Ilangani atuinnaujut ikajuttaugutigijauKattatut angomagunnaKattangitut ikajotimmini pilukâpviuKattatunik. Ottotigijautillugu Kimâpvik tatasimaKattatuk ammalu sollu Rigolettimi, ammaKattatuk sitamatuinnani ulluni atunit wogimi. Taikkua Kimâpvet angomagasuaKattatut taimailingattitaujuKalimmat pigunnausimmitut ottugasuaKattatut ikajuttauvitsatâgigiamut asingitigut ikajuttaugutigijauKattatutigit sollu Kimâpvimi taijaujumi Libra House Goose Baymi ubvalu asinginni ulugianangitumi inigijausonguKattatuni. Labrador Grenfell Ânniasiupvingit uKaudjigijajinut ikajuttaugutigijausonik atuinnautitsiKattatogaluat tâvatuak ununningit pilukâpviusimajut kajusiutiKaKattangitut atugiamut tamakkuninga ikajuttaugutinik.

Illuit amigaKattaningit angijummagimmik attuiniKaKattatuk. Taitsumani annait pitâgunnagunnaimata ulugianangitumi inigijausomik nunagijanginni aullasimagiaKagajattut tallimanit-sepanut takKini. Tamannaumat ulugianattumeniagaluagutik utituinnaKattatut angiggaminut.

Inuit piusituKanga ikajutsiniKajuk sulijutsaniKagiaKanimmik ulapitsitailigiaKanimmut. Tamaunnamat takugajagutik ânnititausimajumik, ununningit apitsugumaKattangitut ubvalu kamagasuaKattangitut, ammalu pingâKattatut “takuttojâgatik” taimaittuKalimmat. Taimâtsainallu taikkua pilukânnisimajut ununningit pitsiaviutuinnaKattatut nunalinnut utimmata pannanaitsivimmit.

Ikajutsitaugutik: Taikkua RCMP-et atuinnaugunnaimata tapvainak Kaujijautitsigumajunut, ikittumagiugunnatut ikajutsitaugutigigajattangit pilukâpviusimajut (taikkutigona ikajuttaugutigijauKattatutigit amma sulianguKattatutigit). Ilangit nunamini Kimâpvikangitut amma taikkua pitaKajut akunikkut illumiutaKagunnaKattangitut. Annait akuttujumik utituinnagiaKaKattatut angiggaminut. Annait ilangani ippigittitauliaKiKattatut uppigijauginimminik ilaminut, ilannâminut ammalu angiggangita Kanitanganejuni illuKajunut. Ottotigijautillugu pilukâpviusimajut tusagamik “Uppigunnangilanga tainna angutik taimâgaluk pigajanninganik”, tusaKattatut piusigisimannigâjangit sulinginginnik “piungitualovutit” amma ikajutsingâKattadlutik pilukânnisimajumik.

Angutet pilukâpviusimajut aiKattatut Kimâpvimut tâvatuak tigujaugunnaKattangitut tapvainak ulugianangitumi iniKattitaugiamut .

Inulimât ilauKatauKattanginingit sittutitsigasuagiamut pilukânniuKattatunik nunagijaujumi attuiniKaKattatuk pilukâpviusimaKattatunik. Inulimât sulijutsagunnaimata sujaujuKammangât asinginnut Kanitanganejunut, isumatsaseKattatuk uKâutiKagumaKattanginingit ubvalu takunnaKataugaluadlutik kamagumaKattanginingit. *Asikkaikua taimâk pijaujut, uvaungituk, taimaimmat kamajutsaungilanga.* IkajutsiniKagiak ikajuttigennikut inulimât akungani pilukâpviumKattatut, ilagijanginnilu ajunnanginitsausongujuk taimâk piusiKajuKangimat nunagijatsini kisianili asinginnejunut.

Sivumuattitaugutitsanut atuttauKattatut akuttujumik sivumuattisigunnatut tusattitaugutigijaujumik. Tamannaugaluattilugu ilangani naluliumannaKattatut annigijausimajut kinakkoninginnut ilijausimaKattatut taikkununga KaujittitaugutigijauKattatunut KangattagattausimaKattatuni. PitaKavuk ilanginnik immigojunik Kaujimajaujunik uKâlautiKaKattasimajunik inulimât akungani pidjutiKadlutik pilukânniuKattatunik. Mânnaujumi pitaKangilak nalunaittausimajumik inulimât pigasuagutigisimajanganik sivumuatitsigiamut taikkua “nipinginnik” ammalu piusigisimajanginnik.

kajusititsiutet pasigatsautitaugutigijausimajunik: Tamâgalak annaujuk kajusiutiKaKattangitik pasigatsautitsiKâdluni. Akuttujumik taimaiKattatut piusigijausimajut ikullaumisimakKolinninginnut. TukiKagunnamijuk taimaiKattaningit asiagut pivitsaKangimut ubvalu asiujigumanginimminut “pitaKatitsijiujumik” ammalu pannanaittaupat KimaumaigiaKagajanninganik ilaminik, Kitungaminillu. Pilukâpviusimajut takunnatauKattatut “piungitoninginnik” Kaujjautitsisimaninginnut.

AttutaunigiKattatangit pilukâpviusimaKattatut amma suguset: Taitsumani piusigijausimajut pilukânniuKattatunut siammatitaummata inulimânut, tamaitta pilukâpviusimajuk amma suguset siunniutitauKattatut “uKâlautigijauniminut” nunagijangani. Tamanna piliaKititsigunnatuk tatiKagunnaititsigiamut asiminik ammalu kappiasuttitauliaKidlutik pilukâpviumigiallagiamut. Suguset asiagut pipviuliaKiKattamijut ilinniavimmi. Tamakkua attutaunnigijauKattatut uKâlautiKagumaititsiKattajut ammalu ippigilidlutik “uKautiKagiaKanginimminik”.

Kagitaujakkogutik taijak Facebook: Tainna Kagitaujakkogutik taijak Facebook atuttauKattatuk KaujimaKatigegutigijaudluni ununnisanut inulimânut ammalu ilangani pitaKaKattatuk ippiginnatunik Kanuingininginnik pilukâguset sakKititsiviumKattamat unuttuit inuit uKumaittukoKattaningit. Kuatsânattukut tusaumautitigut sollu tigumiagait fonnet, Kagitaujakkogutik taimaittugalatigut adjigengituttigut kappisâttaunikkut

pilukâgutikattanimmuk tamaita suguset, inummagiulittu ilu isumalotigijaulittut. Atausik ilaukataujuk isumatsaselauttuk kagitaujakkogutik kappiasâgikattanik mânnaulittumi piusigijaulinninganik Kaujimatitsigiamut pilukâgutigijaugumajunik.

SakKititsiKattatut Pilukâgutinnik

Makua sakKititautitsiKattatut pilukâgutigijauKattatunuk, akuniulittumi nalunaittausimalittut attuiniKatsainatut inunnik, ilagejuni, nunalinnilu.

- Taikkua kingulligegiallânik KuatsâtitsiKattasimajut piusigijaujumi unuttunut immigojunut nunalinnejunut sakKititsiKattatut pilukâgutinnik.
- Angutet takutsautitsiKujikattatut uKaudjigijajinik “ajugitaugunnatunuk” ilagetsiagusimmik. Nallituinnangit suliangujut ubvalu ikajutsitaugutigijaujut iniKagiaKajut ikKanattonimmik ippigittaupvigijausomik ammalu ikKatuttauniKangitumi taimâk piusiKangipata kinalonnet ikajutsitaugutinnut ilaugajangituk ammalu tamannaupat nigugutitsaKattuKagajangilak piusigijaujunik asiangutitsigiamut.
- SulijugijauniKagiaKajut ilonnatik.
- Ilangani piusituKagijaujumi Kuatsâtitaugutigijausimajut pilukâtitsiliaKisongujut imminut ammalu imminetitsisongudlutik. Inuit ippigigiaKajut sivunitsaKanimminik, illinattonimmik ammalu atuvalliniKanimmik.
- Ilangani Kuatsâtitaugutigijausimajut pilukâtitsiKattajut uigilukattausimajunut sâlaumattitaugutinnik ammalu isumangitigut sukutitausimanimmuk pidjutigijauKattatunuk amma kingungani pilukâliaKititsiKattadlutik.
- Ajutsanik, amigaKattaningit illuit, pivitsaKatsiaKattanginik, inulimânut ikajutsitaugiaKaKattanik, ammalu naggugijauKattanik ulugianattumetitsiKattatut pilukâttaugiamut.

Kaujisattausimajunut Pigiasiutitsait Naillititausimajut

Taikkua Kaujisattausimajunut pigiasiutitsait pitaKajut ippigittitaugutinnik pigasuagutigijausimalittunut – suli tamakkua pijagettausimangikaluatlugit amma adjigengitununalet kiugutiKasimatillugit adjigengitunik pidjutiKajunik. Makua malijut ilonnâgut takunnausigijaujut Kaujisanniusimajumi katitsutausimajunik:

Nain

- Nainimi Kimâpvik
 - UlugianattuKatillugu Inigijaugunnatuk, Kaujimajaugutitsanginnut Uningâlukannikut PijauKattatunut Ikajutsitaugutik tajajujuk Take Back the Night Inuttitut tukiKajuk Utittitaulaulli Unnuak, Annait KitigalitsiutittuKatigepvinga amma silakKijattitaupvinga ulluk tajajak Spa Day

- AnânuKatiget Tumingit
 - Inuit Takunnausingagut InutuKait PilukâpviugusigiKattaninginnut katimautik amma Nâlautikkut TusagatsautitauKattaKattaningit,
 - Sivuppiatitsiutigijaujut sisait Kanuittailititsigiamut nunalinnik amma nukKatitsigiamut-pilukânniukattatunik tusaumattitaugutinnik,
- SuliaKapvik Inositsiagittotitsigasuagutet amma InoKatigeguset Pivalliatitaugutingita ikajutsiutigijangit ukuninga:
 - Nunatsuagijaujumi NunaKakKâsimajut Ullunga, PiusituKait Ullunga; Nunalet Upingâmi katingaKatigepvinga, anânagijak imigaluadlaKattasimaninganut pitsaKadluni sukkungadlutik inoliKattaningit Kaujimattitaugutik Kallunâtitut taijaujuk FASD, ImmineKattanimmik NukKatitsigasuannimut Pisunnik/Ulluk, Nunatsuagijaujumi Uigilukattausimajunut SâlaumautigijauKattatut Kaujimattitaugutinginnut Wogik, Ilaget PilukâgutiKattaninginnut Kaujimattitaugutik,
 - UdjitunniKagiaKajunik Ikajutsigiamut katingaKatigettet,
 - Ikajutsigiamut kenaujaliugatik katingaKatigettet Talannatunik NukKaujigumajunut,
 - Nittusipvik NukKaujisanimmut Talannatunik,
 - Kitungiunimmut Ikajuttaugutik,
 - Inositsiagittogutinnik Atudluni Inoguset amma NiKitsiatuKattanic,
 - InoKatiget katingaKatigegusinga, InutuKait Bingo-vinga, amma
 - Ulugiannattumetitsisonik KaujimagiaKannik,
 - PilukâpviugusigiKattatangit Annait,
 - Ullusiupvik Inosimmik,
 - AullâKattanic Songujotitsisonguninga
- Inosuttuit Unatattiugiamut Kallunâtitut taijaujut Junior Rangers Ilanga Ilinniatitaugutingita

Hopedale

- Labrador Grenfell Ânniasiupvingata Ilagejunik kamautinga ilingatillugu KongattitaugutigijauKattatanut Aulatsisongugiamut ikajuttaugutik iluani (). Atingita.
- AnânuKatiget Tumingit
 - Inuit Takunnausingagut Ilonnâgut Kanuilingalimmangâta kamagijaugutingit Angiggagijaujumi PilukâgusigijauKattatut,
 - Sivuppiatitsiutigijaujut sisait Kanuittailititsigiamut nunalinnik amma nukKatitsigiamut-pilukânniukattatunik Tusaumattitaugutinnik,

- SuliaKapvik Inositsiagittotitsigasuagutet amma InoKatigeguset Pivalliatitaugutingita ikajutsiutigijangit ukuninga:
 - Uningâlukannikut PijauKattatunut Ikajutsitaugutik taijaujuk Utittitaulaulli Unnuak,
 - IkKaumajaugutingit AsiutuinnaKattatut amma InuattausimaKattatut NunaKakKâsimajut Annait,
 - NukKatitsigiamut-kappiasâgutigijauKattatunik pigasuagutigijaujut,
 - Imminut-sulijutsaniKagiamut katimautet amma isumatsiagittotitsigasuagutinnut,
 - Ikajutsigiamut katingaKatigetted ilingajunut inosuttunut amma inummagiulittunut.
- Inosuttuit Unatattiugiamut taijaujut Junior Rangers Ilanga Ilinniatitaugutingita (Lindsay Helling)

Makkovik

- AnânauKatiget Tumingit
 - Inuit kamagijaugutinginnut katimautet pillugit InutuKait PilukâpviugusiKattatanginnut, Ippigiusingitigut amma Isumangitigut PilukâttauKattatut, Angiggagijaujumi PilukâgusigijauKattatut amma kappiasâttaugutigijauKattatut (inummagiulittunut ilingatillugit).
 - Sivuppiatitsiutigijaujut sisait Kanuittailititsigiamut nunalinnik amma nukKatitsigiamut-pilukânniuKattatunik Tusaumattitaugutinnik.
- SuliaKapvik Inositsiagittotitsigasuagutet amma InoKatigeguset Pivalliatitaugutingita ikajutsiutigijangit:
 - Ikajutsuninga ilingajunik Uningâlukannikut PijauKattatunut Ikajutsitaugutimmik taijaujumik Utittitaulaulli Unnuak; AnnauKatiget Tannimini taijat Sisters in Spirit, ÂkKisagiamut Ikajuttaugutik taijak Silent Witness amma Silatsuami PilukattaunigiKattatangit NukKatitaugutitsanginnut Ullunga.
 - Piusigijaunginnatut ammalu SakKititaunginnatut Kaujitsiutet unuttunut adjigengitunut pilukâttaugutigijauKattatunut ilinniavimmi grâdigijaujunut amma nunalet katingaKatigetginginnut. Oktobara ilingattitaujuk Ilaget Pilukâttaugutinginnut TakKinganut amma kamagijautsainaKattatut tamatsumunga pidjutigijauKattatut
 - Taijaujuk IPod Café: Kaujimattitaugutitsanginnut katimanniusimajuk adjigengitunut pilukâgusigijauKattatunut. Labrador Grenfell Ânniasiupvinga ilauKatausimalauttuk 15-nani minotini uKâlautiKannikut tamakkuninga,
 - Ikajutsinikkut amma kappiasâgutigijauKattatunik nukKatitsigiamut pigasuagusik,

- Kongattitaugutigijaujunut Aulatsisongugiamut ikajuttaugutik sakKititauKattatuk Nunalinnik Inositsiagittotitsigasuanimut SuliaKapvinganut Kinupviugamik idluatsaivinut.
- Pulesinut (RCMP) Ikajutsitaugutet
 - Ilinniavimmi tungaviKatillugu suliangujuk; NunaKakKâsimajut Paigijaugutinga (RCMP-et suliaKaKatiKaKattatut Inosuttunik ilinniavinni pidjutigijautillugit NunaKakKâsimajonimut piuugiutiKannik, nukKatitsigasuanik-kappiasâgiKattatunik, imminut-ippigitsiagutiKannik, pidjutigijauKattatunik sittutitsigasuguset, senanik katimanniKaKattatut ilinniavik ammaningani).
 - InutuKait PilukâpviugusigiKattaninnginnut, RCMP-et Makkovimmi. (sitamaittudlutik sitontiuup apvangani katimautigijauKattatut)
- Inosuttuit Unatattiugiamut taijaujut Junior Rangers Ilanga Ilinniatitaugutingita

KipukKak:

- AnânouKatiget Tumingit Sivuppiatitsiutigijaujut sisait Kanuittailititsigiamut nunalinnik amma nukKatitsigiamut-pilukânniuKattatunik Tusaumattitaugutinnik.
- SuliaKapvingani Inositsiagittotitsigasugutet amma InoKatigeguset Pivalliatitaugutinginni sivuppiatitaugutiKatitsiKattatut pilukânnigijauKattatut nukKatitaugutitsanginnik ammalu Kaujimattitaugutitsanginnik unuttutigut adjigengitutigit.
 - SakKijâttisiKattanikkut Kaujitsiutinnik nunalet piusigijanginni,
 - UKâlautiKaKattanikkut ilinniavinni, inutuKait katingasinginni,
 - Ilaget PilukâgutinnigiKattatanginnik nukKatitsigasuanimut nunalinnik nigimmâtitsiKattanikkut,
 - Ilaget PilukâgutinnigiKattatanginnik nukKatitsigasuanimut pajuttausimajunik nigititsiKattanikkut ammalu Kaujitsiutinnik tunitsiKattanikkut.
 - Ammalu ilauKatauKattanikkut inulimât piusigiKattatanginni sollu Utittitaulalli Unnuak, ÂkKiumititsigiamut PiusigijauKattatut amma Ikualavik amma UKâlausiKaKatigegusik taijaujuk Conversation.
- Inosuttuit Unatattiugiamut taijaujut Junior Rangers Ilanga Ilinniatitaugutingita (Ingrid Rose)

Rigolet

- Kimâpvik taijaujuk Kirkina House:
 - UlugianattuKatillugu Inigijaugunnatuk sitamani ulluni atunit wogimi.

- Utittitaulaulli Unnuak March(ikajuttigeKatiKadlutik SuliaKapvinganik Inositsiagittotitsigasuagutet amma InoKatigeguset Pivalliatitaugutinginnik Rigolettimi),
- UKalautiKatigegusik taijaujuk Conversation Café, Nunatsuagijaujumi AnnauKatiget Ullunga NigiKatigennikut,
- NukKangattisigasuannimut Angiggagijaujuni PilukâgutinniuKattatunik/Uningâlukannikut PilukâgutigijauKattatunillu ilingatillugu sâgijauKattatuk kavisilinnik NigimmâvigijauKattatumi,
- KitigalitsiutittuKatigennik suvailfani ulluni piniannigijauKattatuni
- SiammatitaugiaKangitunut suliangujuk ikajuttaugutinga annait KaujitsiKattagiamut ikajuttaugiaKaligutik.(RCMP amma Kimâpvik taijaujuk Kirkina House)
- AnânuKatiget Tumingit
 - Sivuppiatitsiutigijaujut sisait Kanuittailititsigiamut nunalinnik amma nukKatitsigiamut-pilukânniuKattatunik tusaumattitaugutinnik,
 - Inuit Takunnausingitigut Uningâlukannikut PilukattaugutigijauKattatut kamagijaugutinginnut katimautet
- SuliaKapvik Inositsiagittotitsigasuagutet amma InoKatigeguset Pivalliatitaugutinginnut
 - SakKititauKattatut uKâlautigijaunnikut ammalu ikajutsitaugutet inulimât piusigiKattatanginnut ilingajunut nunatsuagijaujumi pigasuagutigijauKattatunut. KaujimaKatigegutiKaKattaningitut nunalinnik ammalu asinginnik suliaKapvinik amma katingaKatigeKattatunik.
 - Ilagenut ilingattitautillugit piniannigijauKattatuni piusigijauKattatut- Upingâmik UllusiuKatigegusik, Ilaget SitugaKatigegusingit, Nunatsuagijaujumi NunaKakKâsimajut Ullunga, Anânagijak imigaluadlaKattasimaninganut pitsaKadluni sukkungadlutik inoliKattaningit Kaujimattitaugutik Kallunâtitut taijaujuk FASD Kaujimajauttitaugutingit, Inosimmik Ullusigutik. Nunatsuagijaujumi Suguset Ullunga, Nunalet Inoviani piusigiKattatangit, Pimmagittojut Ulluit (ilingajut Atâtsiakugijaujonnut, Anânaujunut amma Atâtaujunut). PiniannigijauKattatut kamagijautillugit Ilaget PilukâgutiKattaninginnut Kaujimajauttitaugutet, ikajuttigeKatiKannikut Kimâpvimik 16-nani ulluni Kaujimajauttitaugutinginnut TakKingani amma piusigijauKattatunut taijaujumi Utittitaulaulli Unnuak.
 - IkajutsiKattanik kenaujaliugutigijautinnagu katingaKatigettiuKattatunut amma suliaKattatunut sollu Talannatunik AtuluadlaKattanimmik Siammatigatsautinnagu Ikajuttaugutik Kallunâtitut taijaujuk Alcoholics Anonymous, UdjitunniKagiaKajunik Ikajutsigiamut katingaKatigettet, Nittusipvik NukKaujisanimmut Talannatunik, AullâKattanik Songusittisonguninga

Kitungiunimmut SuliagijauKattatut. Ulugiannattumetitsisonik KaujimagiaKannik, InutuKait Bingo-vinga, Inositsiagittogutinnik Atudluni Inoguset amma NiKitsiatuKattanik,

- Nunatsuagijaujumi Uigilukasimanimmut SâlaumautigijauKattatut Kaujimattitaugutinginnut Wogik
- NâlautikkotitauKattatut, Kaujimattitaugutinnut SakKijâttitauKattatunut ammalu Inulimânut Kaujimattitaugutet: PilukâttaugutigiKattatanginnut Angutet Nunagijaujumi NâlautikkotitauKattatut. Inuit Ilisimannigijanginnik Ottutaugutik, InutuKait PilukâpviugusigiKattatanginnut Kaujimattitaugutinginnut Ulluk, Pilukânniukattatunik Kaujimattitaugutet, UiggasuKutigejut/NullettuKutigejut Pilukâgutinnigikattatangit, kamatsianik Nalliuniutillugu Inosimmi AtsuguttitaugutigijauKattatunik, 21-nait plusigijausongujut UllusiugutiKagiamut Inosimmik, Nutagattâtainnasimadluni Inosimmik katangatitsigunnatut, Ânnesonik Ikilliumititsigasugutet. Suguset – Piguvalliatitsinik Imminut IppigiutiKatsiagutinnik, SulijutsaniKanimmilu, Imminik Inosinni AjuKittuiKattagunnaik, TukisiniKannik Inosigijaujumi katangattisiKattatunik, Kanuk Aniguigunnaik Uigilukattausimadlutik SâlaumautigijauKattatunik.
- Nunami Aullâsimadlutik IkajuttaugutigijauKattatut ilingajut annanut amma Nittusinnimut NukKaujisamanimmut Talannatunik katingaKatigetinnut (angutet,annailu) Katherine Pottle (Isumatsiagittotitsigasuanimut amma Uigilukasimanimmut SâlaumautiKajunik kamajiudlutik SuliaKattat
 - Ippigiummititsinik Isumakkut Timikkut amma Tannikut. IlusituKami Ilisimannigijaujuni Pigutitsigiallanik Sanannikut pualunik, kamanik amma itigaujanik); ilangit kamaluaKattatut âkKisannimik Kuatsâtitaugutigijausimajunit
 - Inutongilasi - ikajuttaugutik kamaluaKattatuk kinguvâgegiallâni Kuatsâtitaugutigijausimajunik, ammalu âkKisannimik
- KaujimaKatigegutinnut Ikajuttaugutik, Gradilinni 7-nimit – 9-namut. Ilanga katimautigijauKattatuk pidjutigijautillugu Imminut IppigitsiagutiKanik. Dawn Michelin amma Carly Blake, Inulimanik Inositsiagittotitsijet
 - Pigiasittitaugutigikattatangit Nâkkigijaugutet (ROE), Dawn Michelin, Inulimât Kanuittilititaugutinginni
- RCMP-nut IkajutsitaugutigijauKattatut Ilinniavimmi ikajuttaugutet
 - kutsojamik Uvinikkagiamut Ulluk (Rigolet)
 - kappiasâgutigijauKattatunik Kaujimattitaugutinnut Ulluk(Rigolet)
 - Ilannâgegusimmi SângaviugutigijauKattatut (Rigolet)
- RCMP-nut IkajutsitaugutigijauKattatut Nunagijaujumi PlusigijauKattatuni

- Utittitaulaulli Unnuak (Kimâpvimut Taijaujumut Kirkina House IkajutsitauKattatuk, Rigolettimi)
- Angiggami PilukâgusigijauKattatunut UnnusatsiugutittuKatigennik (SuliaKapvik Inositsiagittotitsigasuaugutet amma InoKatigeguset Pivalliatitaugutinginnut Rigolettimi ikajutsitauKattatuk)
- Mosijanut Sanajausimajut Akigattotigijaujut Angiggagijaujumi PilukâgutiKattanimmik (Rigolet)
- Inosuttuit Unatattiugiamut taijaujut Junior Rangers Ilanga Ilinniatitaugutingita (ullop apvangani, pingasuittudlutik atunit jârimi pingasuni-sitamanillonet jârini)

Kanullonet sakKititausimangituk pijagettausimajuni pigiasitinnut Kaujigatsaliuttausimajuni ullumimut ilangit suliangujut/pigasuaugutigijaujut taijauKattasimajut katimanniujujuni: Ilingallagittut pilukâgusigijauKattatunut:

- *Nukappiat Angutimmaginnut*
- *Pitsiatiudlunga Angutimmagiuvunga*
- VATT (Pilukâgusinnik Kaujimajautitsigiamut PinianniKasongugiamut Ilinniatitaugutik); (tâvatuak Kaujimajautsiangituk tamatsumunga ilinniatitaujuKaKattamangât suli?).
- Iduatsavimmi Piusigijaujunik kamaKattagiamut Suliangujuk (Tunguajuangajuk Omatik Ikajutsitaugutik pilukâpviusimaKattatunik idluatsavimmi.
- SuliaKapvik Inositsiagittotitsigasuaugutet amma InoKatigeguset Pivalliatitaugutinginni idluatsavimmi kamajiKagiamut suliagijanga Kaujisasimalauttut NunaKakKâsimajut Pijaugutinginnik ammalu Kanuk attuiniKaKattamangât pijausimaKattatunik pilukâttaunikkut.
- Uppigivugut pijuKaKattasimanninganik akilittutaugatik katingaKatigettnik Ikajutsigiamut amma kiugutiKatitsigiamut Pasigatsautitaugutigijausimajunut ingiggatitausimajunik nunaliujuni (naillititaugutinga imailingajuk COSA). Taikkua taijaujut COSA atuttauKattatut taitsumani nunalet inuit tamâgut ikajutsiniKalimmata ulugianattojumik pilukâgusiKasimajumik utimmat nunagijaujumut amma kiugutiKatitsigiamut pasigatsautitaugutigisimajanginnut.
- Tongait Illuligijingita Maligatsanga: KaujimattuKangilak Torngait Illuligijingit pimmagittojumik maligatsaKammangâta pitaKajumik ikajutsitaugutitsanganik pijausimaKattatunik pilukâttaunikkut illumetisigiamut ammalu pikKujaugutiKajumik pilukânnisimajumik anittisigiamut.

Kaujisattaugutingit PilukâgusigijauKattatut NukKatitsigasugutet ammalu NukKaujigiamut Ikajuttaugutitsasiutitsigiamut Pigasuagutet

PitaKavuk unuttunik adjigengitunik pilukâgusigijauKattatunik nukKatitsigiamut kamagijauluatillugit pigasuagutigijauKattatut Nunatsiavummi.

Tapvainak kamagijaugiaKajunut ikajuttaugutet (UlugianattuKangitumi Illumepviusot/Kimâpvet) atuinnaujut maggoni nunagijaujonni amma pijauKattatut pilukâttaunikkut asinginni nunnagijaujuni Kaujिताugunnatut taimaittunut ikajuttauviKattitaugiamut. Labrador Grenfell Ânniasiapvinga pitaKatitsiKattatuk ikajutsitaugutinnut uKaudjigiajiKattitausongugiamut pilukâttauniKaKattatut ammalu âkKisuilimmijut pigasuagutitsanik kamautigijaugajattunik kingomagijanginnik angutet KottitaugutigiKattatanginnut aulatsigunnanginimminut pidjutiKaKattatunik.

Tainna SuliaKapvik Inositsiagittotitsigasugutet amma InoKatigeguset Pivalliatitaugutinginnut ilijauKatautitsiKattatut pilukâgusigijauKattatut Kaujimajaugutinginnik unuttunut suliyagiKattatanginnut ilonnginni nunaliujuni amma suliaKattet âkKisuiKattatillungit ilonnginnik atuinnaguttitaugutinginnik uKâlautigijaunikkut sakKitaugialinnut. Ilinniavet sakKititsinginnaKattatut sivuppiatitaugutitsanginnik nunatsuagijaujumi pigasuagutigijauKattatut sollu kutsosamik Uvinigukkagiamut Ullumik ammalu asinginnik nukKatitaugutitsanginnik kappiasâgigiamut piusigijauKattatunik. Taikkua inosuttuit unatattiugiamut ilinniaKattatut taijaujut sakKititsiKattatut sivuppiatitaugutitsanginnik nunatsuagijaujumi ilinniatitaugutimmik idjasijaugutimmik ilautitsijumik unuttugalannik pilukâgusigijauKattatunik Kaujimattitaugutinnut pidjutigijauKattatunik sitamani jârini ingiggatitauKattatumik.

Ilangagut pigasuagutitliuttuKasimalikKuk sakKititsigiamut pilukâgusigijauKattatunut Kaujimattitaugutitsanik ilingajunik Inuit takunnausigijanginnut. PijuKasimalikKuk tugâgutigijaujunut Kaujimajaugutitsanut katimautiKagiamut pidjutiKajunik InutuKait PilukâpviugusigiKattatanginnut unuttuni nunalinni. Ikajuttaugutet sollu *Pitsiatiudlunga Angutimmagiuvunga* amma *Nukappiat Angutimmaginnut* tugâttitaujunik angutinnut. katimattiujut angutet kamagijauluagutitsanginnut Kongautigijaujunut Aulatsisongugiamut ikajuttaugutik sakKititausimalittuk Hopedalimi.

PitaKavuk Hopedalimi Annait katimattginginnik tâvatuak KaujimajaujuKangilak taimaittunik katimattiKammangât asinginni nunalinni. IsumâluttitaujuKalaukKuk agiutsititaujuKagianganut ammalu ilangit inuit uKumainnipaujunik suliaKagiaKaKattaningit.

ÂkKisuttausimausingit Pigasuagutigijaujut

Taikkua pigasuagutigijaujut ingiggatitautsainatut âkKisuttausimagunnatut imailingatillugit:

UlugianattuKatillugu ulapitsataugutik Pulesinut ulapitsataugutik, amma ulugianattuKangitumi illumepvigijausonut/Kimâpvenullu maggoni nunaliujuni.

ÂkKisattaunik/ilinniatitaupvik illuk Kongattitaugutinnik Aulatsigiamut atuinnautitaujuk Labrador Grenfell Ânniasiupvinganut Hopedalimi. Pitsiatiudlunga Angutimmagiuvunga (tapvungainnâtitausimakKotuk inulimât sivumuattitaugutitsanginnut tusaumattitaugutingitigut taimaimmat kajutsianiKasimangituk ilaujutsatâgiamut) amma tainnad Nukappiat Angutimmaginnut.

Inulimât amma nunatsuagijaujumi ubvalu prâvinsimi Pigasuagutigijaujut ilingaluattut PilukâgusigijauKattatunut Prâvinsiup SulijugijaugiaKanninginnut Annait pigasuagutinga, IkKaumajaugutet, IlauKatauKattanik inulimânut piusigijauKattatuni sollu una Utittitaulaulli Unnuak, 16-nani Ulluni Ikajutsinik Akigattutaujumi, Angiggagijaujumi PilukâgutinniuKattatunuk NukKatitsigasuanimut KitigalitsiutittuKatigennik. Mosijamut Sanajausimajunut Pigasuagutigijaujuk: Angutet NukKatitaukKujijut Angiggagijaujumi PilukâgutinniuKattatunuk.

Inulimât Ilinniatitaugutingit ilingajut: Inositsiagittogutinnik Atudluni Inoguset amma inositsiagittotit Unuttugalait sulijugijaujutigut pigasuagutigijaujut tugâttitaujut inositsiagittoluni ilagenniKagiamut, kamatsianiKalluni piusiKagiamut, KanuinginiKalluni amma kamagiamut ilanginnik pigiasititsiKattatunuk pilukâgusinnik. Tamakkua suliangujut ilanginnik ilautitsinginnaKattatut pidjutiKajunik pilukâgusigijauKattatut Kaujimattitaugutinginnut amma nukKatitaugutitsanginnut. Ilangit ottotigijaugunnatut ilautitsijut AullâKattanik Songusittisonguninga, kamatsiatotitsisongunninga, Pigiasiutingit Iladjunattogutet, AkKutitsaliunnik Piusigijaugialimmut amma asingit isumangit sukkutaugutiKasimajut amma uigilukasimanimmu sâlaumautikajunik ikajotitsanut pigasuagutet. Ilaget amma Nunalet piusigiKattatangit atuttuKattatut SuliaKapvinganut Inositsiagittotitsigasugutet amma InoKatigeguset Pivalliatitaugutinginni amma Inulimânik Inositsiagittotitsijinginnut pivitsagijaudlutik pitaKatitsigiamut Kaujimattitaugutinnik ammalu pimmagittojunut tusattitaugutigijauKattatunuk.

Inulimânik Kaujimattitaugutet amma Ilinniatitaugutet ilingajunut

KanuilingannigiKattatanginnut pilukâgusigijauKattatut Ottotigijautillugu: SuliaKapvingata Inositsiagittotitsigasugutet amma InoKatigeguset Pivalliatitaugutinginnut uKâlautigisimajangit ilingitillugit inosuttunut, amma Inosuttuit Unatattiugiamut Kallunâtitut tajijaujut Junior Rangers Ilinniatitaugutingita sulijugijaugutinganut. Apitsutaugutet pidjutigijautillugit InutuKait PilukâpviugusigiKattatanginnut amma Inuit takunnausigiKattatangitigut

pilukâgusigijauKattatunut Kaujimattitaugutinnut katimautet AnânuKatiget Tumingita atuinnautiKattatangit, ilangit atugatsagijaujut sakKititausimatillugit Kallunâtitotillugit amma Inuktitut. InutuKait PilukâpviugusigiKattaninginnut katimautet aulataujut RCMP. Ilinniavik tungavigijautillugu sulianguKattatut sollu ukua NunaKakKâsimajut Paigijaugutinga, kutsojamik Uvinigukkagiamut Ulluk, kappiasâgutigijauKattatunik Kaujimattitaugutinnut Ulluk kappiasâpviugutigijauKattatut Kaujimattitaugutinginnut UllukBullying, Ilannâgegusimmi SângaviugutigijauKattatut. AnânuKatiget Tumingita sisait atuKattatangit tusaumatitsiKattagiamut.

ÂkKisuttausimausingit pigasuagutigijauKattatut kamagijaunippauKattatut pivitsagijaujuni amma ikajuttaugutigijausoni

Tamâni allatausimajut pitakatitsijuk Kaujisattaugutimmik taitsumani takutsaujumi kamagijaunippauKattatumi pivitsagijaujuni amma pigasuagutigijaunippauKattatumi.

PilukâgusigijauKattatut Kaujimajaugutingit

Anginippaujumi pigasuagutigijauKattatut atuttauKattatut ilingajut pilukâgusigijauKattatunut Kaujimajaugutinginnut amma pitaKatitsiKattatut Kaujimajaugutingita uKâlautigijaunnikut sakKititaugutinginnik, sakKijâttitauKattadlutik takutsauvigisonginni, ammalu nenittausimaKattadlutik atuttauKattatuni. Tamanna kamaluaKattanik pitaKatitsigiamut KaujimauiKatitsigiamut nalunaittausimajuni isumagijaugunnatuk nipungatuinnatunut kiujaugutiKasonginninga. TungavigijauKattatuk isumagijaugutigijaugutinga – taitsumani Kaujittitautuagamik – inuit pinianniKagajanningit nalliagutuinnak nalunaittautitsilutik Kaujimasongugiamut pijaugutiKaligutik pilukâtaunikkut, ubvalu asiangutitsilutik piusigiKattatanginnik isumagijaugajattunik pilukâgutiunningit.

Suguset amma inosuttuit atuttaunippauKattatut nalunaittautauKattatuni ununnigijaujuni ilingajunut unuttumaginnut inulimât Kaujimattitaugutinginnut ilinniatitaugutinginnulu pigasuagutigijauKattatuni. Tamatsuma isumagijaugutinga tugâgutigijaujuk – inosuttuit piunitsamik ippigiutKappata piujumik ilagegusiKagiamut, piujumik KaujimaKatigegusiKagiamut ammalu tukisiutiKasimatsialutik piusigijaugiaKangitunik – tigumiatsainagajattut taikkuninga Kaujimautigijanginnik inummagiulinniminut ammalu angiggagijaminut.

PitaKatsainavuk inulimânik Kaujimattitaugutinnut piusigijauKattatunik atuttauKattatunik nunatsuagijaujumi pigasuagutigijauKattatunut. Sollu Utittitaulaulli Unnuak, IkKaumajaugutingit AsiutuinnaKattatut amma InuattausimaKattatut NunaKakKâsimajut Annait. Nunalet katingaKatauluagunnatut akigattugiamut ubvalu ikajutsigiamut taitsumani pidjutigijaujuk/piusigijausimajullonet sakKisimalimmat asiani nunagijaujumi ubvalu

nunatsuagijaujumi. IppigittitaujuKavuk taikkua nunalet kamaKataugumangiluaKattaningit inulimât sakKititaugutinginnut ikajutsinimminik taitsumani kamagijaugutigijaujuk akigattitauvigijautillugu nunaKatigijanga. Tamanna isumagijaugutigijaujuk taikkua ilageKatigegusingit, tatiKatigegusingillu ajuliumattitaummagiKattatut tamatsumunga pidjutigijaujumut. Tamanna ajunnamat sakKititsiKattatuk tainna pilukâpviusimajuk ippigittitaulidluni nunaliKatimminut ikajutsitaugutiKanginimminik ammalu ippigittitaugajadluni pasijaunimminik nigilukatitsininganik nunaliKatimminik.

Asiagut ikajuttaugutigijauKattatunik atuinnautitauKattatunit Kimâpvinit, amma ikajutsitaugutinut uKaudjigiattaugutinut ikajuttaugutigijauKattatunit sakKititausimaKattagajattunit akKutigijautillugu SuliaKapvinga Inositsiagittotitsigasuagutet amma InoKatigeguset Pivalliatitaugutinginnut amma Labrador Grenfell Ânniasiupvinganut, pitaKavuk ikittumagiujunik tugâpvigijaujunik amma inulimât suliagaKattatanginnik ikajutsitaugutinginnut pilukâpviusimajut. Desiree Wolfrey Kimâpvimi taijami Kirkina House Rigolettimi naillitidugu uKautigisimalauttanga imailidluni:

“Ununnigijanginni pigasuagutiKaKattatavugut uKâusitigut, amma pivallititsingimagikKugut. PitaKavuk unuttunik suvallititsisiaKattangitunik pigiasiutigijauKattatunik. kamangiluadlaKugut ikKanaluaattunik ammalu tikiKattangilagut inunnt kamagigialittinut. TusattitauKattagiaKavugut annanit ammalu sunanik kingomammangâta”.

Nigiunattut kingullimi Pivalliaugutigijaugiamut

Taikkua Kaujimattitaugutet katitsutausimajut ikajutsijut takutsautitsijumik pitaKanginganik ikajuttigennikut pannaigutimmik pinianniKagiamut ammalu sakKituKagajakKuk piujunik ikajuttaugutigijausonik suliaKanikkut ikajuttigennikut Kanitagejuni tungavigijautillugu. Songujumik pikKujaugutiKalauKugut uKâlaKatiKaKattagiamut pilukâttausimajunik ammalu apitsuKattalugit KanuilingattitaugutiKammangâta, suna kingomautiKammangata amma Kanuittut ikajutsitaugutet atuvalliniKagajammangâta taikkununga. Ammalu ikajutsitaugutitsamik anginitsamik ilauKataugutitsanginnik inutuKait nunalet pigasuagutigijanginni.

SuliaKaKatigettet kamaluagajattut pigasuagutigijanginni ukunani:

- Pannaigutilliullutik ilingajumik Nunatsiavut kiugutitsanginnut amma suliaKaKatigennikut, atuKatigellutik ikajuttaugutigiKattatanginnik, ilijautitsilutik pilukâgutigijauKattatunik inulimât/nunalet pigatsagijangita pannaigutinganut.
- kiugutiKagiamut ukununga
 - kingomagiKattatanginnut pilukâpviusimajut pillugit sivullipâmik Kaujjautitsitainnatillugit, ikajutsitaugutiKattanginnalugit ammalu tusaumattanginnaKattalugit. Anginitsamik pigasuagutiKalluta pitaKatitsigiamut songunniKatitaugutitsanginnik annait.
 - kingomagiKattatanginnut pilukânniKattatut, ikajutsitaugutiKattilugit ikajugajattunik taikkununga ilinniagiamut Kanuk nukKatitsigunnagajammangâta piusilukagiKattatanginnik ammalu pitsiaviulluni sulijugijaunniKasongugiamut nunagijangani amma
 - kingomagiKattatanginnut nunalet pillugit sakKititsigasugutet ulugiannatuKangitumi nunaKagianginnut ilonnatik, pillugit KaujimajaugiaKanningit kingomagijauKattatut pilukâpviusimajunut ammalu taikkununga pilukânniKattatunut.

Tâna 2015-nami Pilukâgutet NukKatitaugianginnut Pigasuagutinnut pigiasutik pitaKatitsijuk piujumik tungavigijaujumik uKâlautiKaKatigegutiKagiamut ammalu nigiuattoninganic ikajuttigegutinnikut pinianniKagiamut. Pidjutigijaujut Kanuilingajutsaumangâta suliagijaugialet amma kamagijauluagialet ikajuttigetsianikkut piniannigijaugiaKajut angiKatigegutigijaugiaKajut. Ottotigijautillugu – Sunait tugâgutigijaujutsaujut nunagijaujumi ikajuttigennikut pigasuagutigijaujume? Sunait nalunaittausimatillugit kamagijauluagiaKagajaton ubvalu pigiasutigijaujuk tugâgutigijaugajattong? IsumatsasiugutigijauKattatut KimattausimaKattatut

ikajuttaugutigijaujuni amma ikajutsitaugutinni sakKititaugajappata uKâlautigijauKattajutsaujon?
Kanuk piusiKagiaKagajatton adjigengitut ikajuttigettiujut tamatsumunga pigiasiutigijaujume?

Kaujispviugunnatut

AnânuKatiget Tumingit

www.labradorInuitWomen.ca

executivedirector@labradorinuitwomen.ca

Ilagiattaugutik: Kaujisapviugutinnut Pigiasiutik

Atik: Suliagijaujop Taijaugusinga:
katutjiKagennik: Nunagijak:
Allaviugiamut Tugâgutik:
Emaillikut Tugâgutik:
Fonnik:(Suliagijaujumi) (Angiggami) Sukkajukkogutik:

KaujimajautitsiKattagit suliagiKattatannik!!! SuliagiKattatannik PilukâgusigijauKattatunik nukKatitsigiamon, Kaujimattisigiamon, ilinniatitsigiamon, âkKisaigigiamon? Sunait nalunaittitausimajut pigasuagutigijaujuni ubvalu piniannigijauKattatuni kajusittitausimalitton ubvalu mânnaujumi ingiggatitaulitton? (katimautet, inulimât tusaumattitaugutingit, Kaujimattitaugutinnut katimauset, ilinniviup illugusinginni katimautigijauKattatut ilingatillugit ilinniavinnut, asingillu.). Ilingatillugu atunit pigiasiutigijaujumu kiugunnaKen ukununga:

Taijaugutinga piniannigijaujop/pigiasiutigijaujop kenaujattâvigijausimajuk	
kina sivukkatattiusimajong ubvalu kamajiusimajong?	
Kangautillugu sakKisimajong ammalu Kanuk akuniutigijumi (Kanuk akuniutigijumi pigasuagutigijaulâtton)?	
Kanuk akuniutigijumi pivitsagijausimajuni amma pigasuagutigijausimajuni atugiaKasimajon?	
PitaKalauppat "pimmagittojunik tusattitaugutitsanik", sunaulautton?	
Nalunaittitausimatillugit tugâpviugutiKalautton ilaujun?	
kajusitsianiKalaukKâ? Kanong?	
IlivallititausimajuKalaukKâ? Sunaneng?	
PilukâkusigijauKattatunik nukKatitsigasuanimut amma Kaujimajautitsigasuanimut kamaluagasuatsainaKen ubvalu katutjiKatigennigijain?	

TukisiniKagiamut Pidjutigijaujumik

Ukua malijut ilonnâgut apitsotigijaujut tugâgutigijautillugit anginitsamik tukisiniKattitaugiamut kingomagijaujunut amma ikajutsitaugutitsanginnut pilukâpviuKattatut, kingomagijaujunik amma kiugutigijaugialinnik pilukânnisimajunut.

Kaujitsilaugitsi Isumagijatsinik!!! TunitsigunnaKisi isumagijatsinik magonillonet pitjutigillugit:

PilukâpviuKattatut: Kanuilingajut sunait ikajugajatton pilukâpviusimajunik uKâlautiKasongugiamut ammalu pinianniKasongugiamon? PitaKava

suliangujunik ubvalu ikajutsitaugutigijausonik Kaujimajanneng kamaluaKattatunik tamatumunga. PitaKappat sunaujon?

PilukânniKattatut: Kanuittunik ikajuttaugutigigajattanginnik amma ikajutsitaugutigigajattanginnik amma kiugusigisonginnik pitaKavâ taikkununga pilukânniKattatunun?

SiKumitsinik uKâlautiKattailiKattanimmik: Kanuk pigiasittitaugajattong siKumitsigiamut uKâlautiKattailiKattanimmik pilukâgusigijauKattatuning?

Takunnanik Sivunitsamut: Sunanik ikajuttaugutigijaugajattunik amma songusittisigajattunik piguttisigunnaKita tamâni nunagijaujume? Kanitagejune?

Angiutik: Taikkua Kaujimattitaugutet sakKititausimajut atuttaugunnagajattut Naillititausimajumi Kaujitsiutimmi sakKijâttisigajattunik ilonnâgut piusigijauKattatunik taikkunani pilukâgusinnik nukKatitsigasuanimut piniannigijauKattatunik Nunatsiavummi atuinnautillugit inulimânut.

Sunanik ikajuttaugutigijaugajattunik amma songusittisigajattunik piguttisigunnaKita tamâni nunagijaujume? Kanitagejune?

Kaujitsilaugitsi isumagijatsinik!!! TunitsigunnaKisi isumagijatsinik magonillonet pitjutigillugu Kanuk pigiasititsijutsaumangâtta pigutitsigiamut pilukâgusigijauKattatunik nukKatitsigiamut pannaigutitsamik ilingajumik Kanitagejun?